

Data: 14/10/2024

ASUNTO:
ELECCIÓN para a "RENOVACIÓN
PARCIAL" do CONSELLO ESCOLAR
DESTE INSTITUTO

Destinatarios:

Don/a:
Responsables e/ou Alumnado do instituto

De conformidade co establecido na: *RESOLUCIÓN do 10 de setembro de 2024, da dirección Xeral de Ordenación e Innovación Educativa, pola que se establece o calendario para a realización de eleccións de membros dos consellos escolares de centros docentes sostidos con fondos públicos*, realizarase proximamente neste Centro a renovación do **CONSELLO ESCOLAR** que é o instrumento de participación na vida escolar de todos os sectores educativos do Centro.

A organización e a supervisión do procedemento de elección dos novos membros do Consello Escolar estará a cargo da **Xunta Electoral** que se constituirá ao efecto, e integrada por:

- O Director ou directora do Centro.
- Un profesor ou profesora.
- Un pai ou nai ou titor legal.
- Un alumno ou alumna.
- Un representante do persoal de administración e servizos

Os catro últimos serán designados por sorteo segundo establece o artigo 30 do Decreto 92/1988, do 28 de abril, redactado conforme ao establecido na disposición adicional primeira do Decreto 324/1996, do 26 de xullo (DOG do 9 de agosto). Dito sorteo, que será público e no que se preverá a designación de membros suplentes, celebrarase neste Centro o próximo venres **día 18 de outubro ás 11:00 horas**.

Aqueles membros da comunidade educativa que desexen presentar a súa candidatura para formar parte do novo Consello Escolar deberán seguir as instrucións que figurarán nas distintas **convocatorias** que proximamente se farán públicas pola Xunta Electoral do Centro.

A Coruña, 14 outubro de 2024.

O Director

Asinado dixitalmente

Asdo: Rafael Menéndez de la Vega

NOTA: A título informativo poden ver ao dorso un resumo das competencias do Consello Escolar



RESUMO DAS COMPETENCIAS DO CONSELLO ESCOLAR.

Decreto 324/1996, do 26 de xullo, polo que se aproba o Regulamento orgánico dos institutos de educación secundaria. (DOG 09/08/1996)

...

Artigo 44º.

O Consello Escolar do instituto terá as seguintes atribucións:

- a) Establecer as directrices e elaborar propostas para a elaboración do proxecto educativo do instituto, aprobalas, avalialas e, se é o caso, introducir modificacións, sen prexuízo das competencias que o claustro e profesores téñen atribuídas en relación coa planificación e organización docente.
- b) Elixir o director ou directora do centro. *(Modificado con posterioridade)*
- c) Propoñer a revogación do nomeamento do director ou directora, logo do acordo dos seus membros, adoptado por maioría de dous tercios.
- d) Decidir sobre a admisión de alumnado, con suxeición ó establecido na lexislación vixente.
- e) Aprobalo e modificá-lo regulamento de réxime interior do instituto.
- f) Resolver os conflitos e impoñer as correccións con finalidade pedagóxica que correspondan a aquelas condutas do alumnado que prexudiquen gravemente a convivencia no centro, de acordo coas normas que estableza a Consellería de Educación e Ordenación Universitaria. *(Modificado con posterioridade)*
- g) Aprobalo o proxecto de orzamento do instituto e a execución do mesmo.
- h) Aprobalo e avaliar a programación xeral anual do instituto, respectando, en todo caso, os aspectos docentes que lle competen ó claustro.
- i) Aprobala programación das actividades escolares complementarias e avalíalo seu desenvolvemento.
- j) Establecelas directrices para a participación do instituto en actividades culturais, deportivas e recreativas naquelas accións asistenciais nas que o instituto puidese aportala súa axuda.
- k) Establecelos criterios de colaboración con outros centros, entidades ou organismos.
- l) Promovelas renovación das instalacións e equipamento do instituto, e vixiala súa conservación.
- m) Analizar e valoralo funcionamento xeral do instituto, a evolución do rendemento escolar e os resultados da avaliación que do centro realice a Administración educativa.
- n) Colaborar coa inspección educativa nos planos de avaliación de centro, nos termos que a Consellería de Educación e Ordenación Universitaria estableza.
- o) Regulalo procedemento de autorización das saídas voluntarias entre clases ou en período de lecer do alumnado do centro.

Artigo 45º.

1. No seo do Consello Escolar do instituto, existirá unha comisión económica, integrada polo director ou directora, o secretario ou secretaria, ou, se é o caso, o administrador ou administradora, un profesor ou profesora, un alumno ou alumna e un pai ou nai de alumno, elixidos por cada un dos sectores.
2. Poderán constituírse outras comisións para asuntos específicos, nas que estarán presentes, cando menos, un profesor ou profesora, un alumno ou alumna e un pai ou nai de alumno. En todo caso as comisións informarán o Consello Escolar sobre os temas que se lles encomenden e colaborarán con el nas cuestións da súa competencia.

...

